



POLAR
POLAIRE

Ukiutaqtumi Qauyihimanuaqvia Kaanatami **Hivunikhmut Ihumaliurniq**



Polar Knowledge
Canada

Savoir polaire
Canada

Canada

Hivunikhamut Ihumaliurniq uumunnga Ukiutaqtumi Qauyihimanuaqvia Kaanatami

Huuq

Una Hivunikhamut Ihumaliurniq (Ihumaliurut) quulitqiyauyuq-ittumi ikayurniq ihumaliurniqlu tunngavinga ikayurniaqtuq POLAR ihuarhigiami ikayuutingit tikinnahuaqtanginniklu akuniraalukmut tautuktuuyaaqtanginnik. Hivituuyuq, akhuurutauyuq titiraq piliurhimayuq naunaipkariamik POLAR-kut tallimanik-ukiunik Hunavaluknik Ihivriunniq unalu Ayuittiarniqmut Tunngavinga¹ (S&T Tunngavinga), atauhiqmi ukiumi havaakhamut ihumaliurniq, havaarutinganiklu munariniqmut angirutingit ubluq tamaallu aulapkaininngit. Tamna ihumaliurutinga tuniyuq naittumik humik timiqutigiyangit akhuuqtut pigiamiknik, taimaa naunaiyariamikni havaktingit uqaqatigilugillu havaqatingit havaqatingillu humik ihumaginiaqtut POLAR-mit.

1. Tamna CHARS-kut Maligana piyuq uumunnga "hunavaluknik ihivriunniq ayuittiarniqmullu ihumaliurniq". Tamna "S&T Tunngavinga" piyullu Iniqtininnginnut Ihumaliurutinga atauttikut piniaqtait una maligaliurniqmut ihariaginnga.

Tautuktuuyaaqtangit

Ikayuutauyuq hivunikhaq naunaiqtauyuq ilihimaniqmit havaqatigiikniqmillu.

Tikinnahuaqtangit

POLAR-kut tikinnahuaqtangit hivumuuriami ihuarhigiamikniklu ilihimaninnga ukiuqtaqtuq hivuliqtinirmut, havaqatinginnit havaqatigiikniqmillu ukiuqtaqtumi hunavaluknik ihivriunniq ayuittiarninnganiklu.

Tiliyauhimayuq

POLAR-kut tiliyauhimayuq, piliurhimayuq uumani *Kaanatami Tununganiqpaani Qauyiharvik Maligana*, havaarigiami ikayuriamilu nunangit akhuurutauyut tamainnilu akhuurutauyut ilihimaniqmut piliurninnga. POLAR akhuuqigiami piliurninnga tamainni ihuarhaininnganik ikayuriami naunaiyainiqmut-ittut ihumaliurniq. Tamna Maligana pilluaqtuq tiliyauhimayut POLAR ukuninnga:

- Hivumuuriami ilihimaniq Kaanatap Ukiuqtaqtunga taimaa ihuarhigiami maniliurninnganik, avatinganik munariniq, qanurittaakhaaniklu inuuhingit inunginnit tamaitalu aadlat Kaanatamiutat;
- Atuliqtitauliqlugu piliurninnga tuniqhaininngalu ilihimaniqmik aadlallu ukiuqtaqtup nunangit, Hivuraani ukiuqtaqtungillu;
- Hakugiktigiami Kaanataup hivuliqtininnit Ukiuqtaqtumi ihumaaluutigiyanginnik; unalu,
- Piliurluni qitqani hunavaluknik ihivriuvikhamik Kaanatap Ukiuqtaqtungani.



Qanuriliurniaqqita: Piliurninnganut Naunaitkutingit Hivumuuriami Ilihimanig Ukiuqtaqtumi Nunagiyanginnik

Atuliqtitaugiami nakuutqiaq aturninnga kikliqaqtut ikayuutingit, POLAR ihumagilluarniaqtait akhuurutingit atayut unalu ilihimaninnganut havaangit piyuq ihariagininnaganit ukiuqtaqtumi nunallaanginnit unalu akhuurutauyuq apirhuut akhuurutauyuq Kaanatamiutanut nunaryuaptiknilu havaqatigiinginnut.

Timiqutigiyauyuq piqaqtuq malruuknik ihumaliurhimayunik ihumaliurhimayunit, ikayuqtauyuuq uumunnga tiliyauhimayuuq ayuirhaininnganullu: *Hivumuuqtiqtuq ilihimaniq piliurninnga Ukiuqtaqtumi*, unalu *Naunaipkarhugu aturninnganik ukiuqtaqtumi ilihimaniq Kaanatami tariup akianilu*. Hapkuat ihumaliurhimayunit naunaipkaqtait POLAR-kut ikayuutingit piliurninnganut, piliurninnga unalu aturninnga ilihimaniqmik, ukuallu Nunaqaqqaarhimayut ilihimaniq, ikayuriami ikayuutauyuuq and naunairhimayumik-ittuq ihumaliurniq Kaanataup Ukiuqtaqtungani aallallu ukiuqtaqtumi nunagiyangit. Piliurninnga aippaanik piliurninnga uuminnga POLAR ilihimaniq hivuliqtingit ilauniqmut nunaryuaptikni ittuq ilihimaninnganut ihivriuninnga ihariagiyauyuq hapkununnga ihumaliurhimayunit.



POLAR-kut Angikliyumirninnga Akhuurninnganut: Piliurninnga unalu Havaqatigiikniq

POLAR piliurniaqtuq ilauqatigiikniqmik aallanullu uqarlugit naunaitkutingit iliuriami ilihimaniqmut ayurhauingit piyuq piliuriami nutaanik ilihimaniq tamainni ihuarhidjutinginnik. Una ihumagilluarninnga ilaliutiyuuq tamarmik inikhanga CHARS nayuganga unalu atayut himmautingit talvani POLAR ilauniaqtuq hivumuuriamikni unalu katitiriami ukiuqtaqtumi ilihimaniq.

Una qanuriliurutinga naunaiqtait qanurittukhamut POLAR havakniaqtuq timiqutigiyauyumut aadlittuq angikliyumirninnga akhuurninnganut. POLAR piliurniaqtuq naunaitkutingit piliuriami hivituyumik piinarialik ilihimaniq hunavalungit tunigiamilu hunavaluknik ihivriunig, ayuittiarniqmut unalu Nunaqaqqaarhimayut ilihimaniq tautuktuuyaaqtamiknik ihariagiyauyut ikayuriami naunairhimayumik-ittuq maligaliurniqmik unalu ihumaliurniq.

Hivumuuqtiqtuq Ilihimaninqmik Piliurniq Ukiuqtaqtumi

POLAR havaariniaqtaa ikayurlugillu ilihimaninnganut, **nunagiyamiknut ihuaqtuq** unalu **tamainnut akhuurutauyuq** ilihimaniq piliurninnga **tikinnahuaqtamiknut-piyuq**.

POLAR hapkuninnga:

- Aulapkailuni nunaryuaptikni-ittuq qitqani hunavaluknik ihivriunniq unalu ayuittiarniqmut – tamna Kaanatami Tununganiqpaani Qauyiharvik;
- Piliurluni Hunavaluknik ihivriunniq unalu ayuittiarniqmut Ihumaliurutikhammik (S&T Ihumaliurut), naunaipkaqtauyuq ilaliutihimayunit pilaarutinnik pihimayunik, havaqatigiiktunit aallallu tigumiaqtuuqatauyut ihumagilluaqtaillu kiugiamikni akhuurutauyunik apirhuutinik;
- Manikhaqtiqlugillu hunavaluknik ihivriunniq unalu ayuittiarniqmut havauhikhat iliurailugu uumunnga S&T Ihumaliurutinganut; unalu
- Pilluarlugit nanminiriyangit hunavaluknik ihivriunniq unalu ayuittiarniqmut ihivriunniq unalu hulilukaarutingit uumunnga nunagiyamiknut CHARS nayugangani, naunaiqtauhimayuq uuminnga CHARS Avatinganik Ihivriunniq (ERA)

Naunaipkarhugu Aturninnga Ukiuqtaqtumi Ilihimaniq Kaanatami Tariup Akianilu


POLAR **hivuliqtiuniaqtuq piliurninngani aturninnganilu** ilihimaniq, munarilugillu **havakvigiyayut unalu havaqatigiikniq** ukiuqtaqtuq ilihimaniq piinariaqigiami.

POLAR hapkuninnga:

- Ihumagilluarlugu ilaupkainiqmik unalu havaqatigiikniq ukiuqtaqtumi uumanilu Nunaqqaarhimayut nunallaangit timiqutigiyanginnullu;
- Atuliqtaulugulu pimmariktumik pilugu Nunaqqaarhimayut, hunavaluknik ihivriunniq unalu ayuittiarniqmut ilihimaniq;
- Piliurluni piinariaqihimayunik naunaitkutingit hunavaluit piliuqtaqta ilihimaniq amihunit ihuarhidjutinginnik, havauhikhat unalu tukhiutinginnik; unalu
- Ikayuqtiuluni Kaanatamiutani ukiuqtaqtumi aliagiyanginnik uumani nunaryuaptikni nunagiyangit.

Mikkauyumik timiqutigiyayuq hivituyumik tiliyahimayuq unalu akhuuqtumik tautuktuuyaaqtanginnik, POLAR ihumaliurhimayukhaq aturninnganik ikayuutinganik. POLAR ikayurniaqtaa havaqatigiikniq iliuraqhimayait ihuarhidjutinginnik unalu piliurninnganut naunaitkutingit ihumaliuqtiyuyunut. Tamna timiqutigiyayuq munariniaqtaa havaqatigiikniqmik hivumuuriami ilihimaniq piliurninnga, tuniqhaininnga iliraininngalu. Piinariaqihimayuq ikayuutaayuqu ilihimaniq hunavaluit ikayurniaqtuq piliuriami POLAR-kut qanurittaakhaanik itquumayumik havaqatigiikninnga, aulapkaiyuq pimmariktumik pipluni unalu itquumayumiklu.

Timiqutigiyayumik atanniqarvilik Kaanataup Ukiuqtaqtungani, POLAR ilauhimaniaqtuq nunallaanut naunairiami havaanga havaktait pimmariktumik piyut nunagiyamiknut hivulliutiyakhat utirningalu ihuaqtumik ikayuutaayuq Ukiuqtaqtumut. Iniqtirninnga POLAR-kut Inuit Havaktiliriniqmut Ihumaliurut (IEP) piliurniaqtuq POLAR-kut iluanit piyunnautinganik havaktukharhiurniqmut, piliurninnganik havakhimmaanginnariamikniklu Inuinnait havaktinginnik. POLAR tuniniaqtuq piliuriami hakugitqiyayumik ukiuqtaqtuq hunavaluknik ihivriunniq unalu ayuittiarniqmut maliganga pinahuarutinginniklu ukunuuna IEP – naunaiqtut Inuinnait pivikhaqautilgit aadlanut uqariamikni ilihimayamiknik, tuniluni naunaiyainiq piliurlunilu nutaanik ayuittiaqtamiknik timiqutigiyayumut tamainnullu kaanatami inunginnut.



Kinauvita: Iumuurutikput

Timiqutigiyayumik, POLAR ilitariyait hitamauyut qitqani ilumuurutayut naunaiyariami ubluq tamaat havaanganut ilauqatauninnganiklu havaqatigiiktamiknut, havakvigiyayunut, pilaarutinginnut tigumiaqtunut aallallu tigumiaqtuuqatauyut:



Ilihimaniq

- Piliurninnga, hapummiutininnga, tuniqhaininnga aturninngalu naunaitkutingit qanuqtullu ilihimaninnganut.
- Ikayurlugu ihuarhaqhimayuq nampangit munarininnganik unalu ihuarhaqhimayut qanuriliurutinginnik.
- Naunairlugu Nunaqaqqaarhimayut ilihimaniq hunavalukniklu ihivriuqtamiknik naunaiqtait piinarialeqihimayut tamainnut Kaanatamiutanut atuqtut piinarialeqihimayuq kangirhinnaqtumiklu.



Havaqatigiikniq

- Havakluni havakviuyunut unalu tigumiaqtuuqatauyut piliuriami nutaaq ilihimaniq unalu ilihimaninngit aadlanullu uqariami naunaitkutingit ittunut aturninnganik.
- Ilaupkailugit ukiuqtaqtumi uumunngalu Nunaqaqqaarhimayut nunallaangit, ikayuriami hivuliqtingit ilihimagiami piliurninnga unalu aturninnga.



Pimmariktumik Piluni

- Avatinganut, aadlatqiimik ilihimaniqmik, aadlanut uqariami unipkaavut, inungnut aadlanullu.
- Akhuraaluk naalaluni havakviuyunut, havaqatigiiktarnut unalu tigumiaqtuuqatauyut kangirhigiami hivulliutiyanginnik, ayurhauitinginnik ihumaaluutinginniklu.



Itquumayumik

- Pigiami ilauqatigiikniqmik itquumayumik takunnaqtumiklu, tamarmik iluanit hilataanillu.
- Ayuirhaluni kan'nguhuktumik angmaumayumiklu ihumaluni.
- Akhuuqtumik angmaumayumiklu uqaqatigiikniq naunaitkutingit, ukuallu pivikhaqautingit unalu uuktuutigiyayuniklu.
- Naunaiqlugu naunaitkutingit utiqtitayuq algamiknut ukiuqtaqtuqmiutanit unalu Nunaqaqqaarhimayut nunallaangit.

Humik Qinirhaniaqqita Pigiaptikni: Ihumaliurhimayut Tikinnahuaqtanginnik



2020-mi

Hunavaluknik Ihivriuqtiuyut unalu Ihivriuqtingit atuqtut CHARS Nayugangani ihivriuqvinginnik havakvinginniklu havagiamikni akhuurninnganut-piyuq, atayut ihivriuqningga hunavalukniklu ihivriuqniq pipluni ukununnga POLAR-kut S&T Tunngavinga.

POLAR munariyait havaqatigiikniq ikayuriami Kaanataup aliagiyanginnik tamarmikni Ukiuqtaqtumi uumanilu Hivuraani ukiuqtaqtungillu.

POLAR ilauyuq pilaarutimut pihimayunut, nunamikni timiqutigiyanginnut unal akhuurutauyuq tamainni-ukiqtaqtumi tigumiaqtuuqatauyut piliuriamiknik ilauqatigiikniqmik unalu hakugiktigiami havaqatigiikniq.



2023-mi

Qitqauyuq ilauqatauniqmut, POLAR munarittaagtaa CHARS Nayuganganik aadlamik ilihimaniq piliurninnga unalu tuniqhaininnga.

POLAR ihumagilluaqtait akhuurninnga ukununnga ilihimaninnganut hunavaluknik ihivriuqniq, ihivriuqningga ayuittialiuriamilu unalu tuniqhaigiami nutaamik ihuarhidjutinik qilaminnaaq avatinga aadlanguqtuq Ukiuqtaqtumi.

POLAR ilitariyauyuq iluani kaanatap ilagiyanganut nutaamut akhuurninnga hivumuuriami iniqtirinnga uqariiyagtamiknik uumani Titirarhimaninga Angirutiup 23 uumanna Nunavut Angirutinganit.



2025-mi

POLAR ilitariyauyuq akhuurutauyumik kimut uqaqatigiyaakhaanik Kaanatami nunaryuaptikni ukiuqtaqtumi ihivriuqningga nunagiyanganik.

POLAR-kut ilihimaniq hunavaluit atuqtauyut maligaliuqtiuyunit naunaipkariamik naunairhimayumik-ittuq ihumaliuqtiuyunit.

Ikayuutinga aktikkulaanganik piliurniq havaqatigiikniqmullu hulilukaarniq munariyauyuq ikayuqtauyuq POLAR-kunnit ilitariyauyut pilaarutitik pihimayunit, Ukiuqtaqtut aallallu tigumiaqtuuqatauyut.

POLAR havaktiuyuq kitumik piundayanganik Ukiuqtaqtumi pipkaidjutigiyaiillu ayuitamiiknik tamainnit nunaryuaptiknit.

Iniqtirutinga

Iniqtirutinga una ihumaliurut piniyaqtuq ilagiyanganik uumanna POLAR-kut pittaarninnga piliuriami hakugiktumik tunngavinga naptuyumik nutaannuamiklu havakvik, piqaqtumik nakuuyunik maliganik, pinahuarutitik atuinnaqtamikniklu. Taimaa tallimanik ukiunik, POLAR piliurniaqtuq aktikkulaanganik piliurluni nutaanik hivulliqpaanganiklu pinahuarutimut atuqtakhanginnik angikliyuumirniaqtaa nakuuyuq pilaqutingit tamainni Kaanataup Ukiuqtaqtungani iluanilu Kaanatami unalu nunaryuaptikni ukiuqtaqtumi ihivriuqningga nunallaangit. 2025nguqqat, POLAR qulitqiyauniaqtuq pipkaidjutinga ukiuqtaqtumit ilihimaniq piliurhimayuq uumanna atayut ilihimaninnganut ihivriuqningga Kaanatami. POLAR-kut ilihimaniq hunavaluit akhuurutauniaqtuq atuqtanganik ikayuriami informed ihumaliurniq pilaarutitik pihimayunut, nunallaanut, Nunaqaqqaarhimayut timiqutigiyauyuq, kavamatkut unalu nunaryuaptikni havakvinginnut.

Hivituyumik naunaipkainiq uumunnga ihumaliurutimut iniqtiqtauniaqtuq ihivriuqtaulunilu ukununnga POLAR-kut Katimayiyut Tukimuaqtiuyunit taimaa pingahunguraikpat ukiut. Una ihumaliurut utuqqauyuq, nutaanguqtitirinngit pihimmaarniaqtaa tallimanik ukiunguraikpat.

Amigaittut naunaitkutakhat POLAR-kut kavamaliqinirmut taigualiurniqmut ihariagiyanginnik, ukuallu Havakvinginnullu Qanurittaakhaanik Tunngavinga (DRF), Havakvinginnullu Ihumaliurutingit unalu Havakvinginnullu Qanurittaakhaanik Taiguagakhat takuinnarialik uumani [POLAR-kut qaritauyakkut pulaarvinga](#) unalu [GC Naunairumayunut](#)². Naunairyuumirumaguvit uuminnga POLAR-kut piyunnautinganut tunngavinganik, pinahuarutitik aulapkaininnganiklu, pulaarlugu, [POLAR-kut qaritauyakkut pulaarvinga](#).

2. <https://www.tbs-sct.gc.ca/ems-sgd/edb-bdd/index-eng.html>



info@polar-polaire.gc.ca

	Qablunaatitun	Uiviitit
Twitter	@POLARCanada	@POLAIRECanada
Facebook	@PolarKnowledge	@Savoirpolaire
Instagram	@polar.knowledge	@savoir.polaire

Qaritauyakkuurut (Qablunaatit)
canada.ca/polar

Qaritauyakkuurvik (Uiviitit)
canada.ca/polaire

